

Komunike Upravnog odbora Vijeća za implementaciju mira

Upravni odbor Vijeća za implementaciju mira se danas sastao na ambadorskom nivou kako bi razmotrio napredak vodećih političkih stranaka u Bosni i Hercegovini u postizanju sporazuma o implementaciji Odluke o konstitutivnosti naroda.

Odbor je konstatirao da je u posljednjih deset dana napravljen istinski pomak ka postizanju sporazuma. Upravni odbor je pozdravio neumorne napore Visokog predstavnika da omogući iznalaženje domaćeg rješenja i pohvalio sve one koji su dali konstruktivan doprinos pregovorima do sada.

Obaveza političkih lidera zemlje je da postignu sporazum i provedu Odluku o konstitutivnosti naroda. Uski stranački interesi trebaju biti prevaziđeni, a odbijanje učestvovanja u ovim pregovorima bi bilo potpuno neprihvatljivo. Oni koji traže nametanje ustavnih promjena potkopavaju sadašnje pregovore i ne doprinose daljem demokratskom razvoju u Bosni i Hercegovini.

Upravni odbor podsjeća da je u više prilika zahtijevao implementaciju Odluke Ustavnog suda sa stanovišta postizanja simetrije u suštini, kako je to navedeno u Komuniqueu Upravnog odbora Vijeća za implementaciju mira od 21. juna 2001. godine. Kantonalna struktura Federacije i centralizirani sistem u Republici Srpskoj ne dozvoljavaju identična rješenja po pitanju strukture. Simetrija u suštini znači da tri konstitutivna naroda u Bosni i Hercegovini moraju imati puna prava u oba entiteta. Pored toga, njihovi vitalni interesi moraju biti zaštićeni i oni moraju biti u potpunosti zastupljeni u institucionalnoj strukturi i procesu donošenju

odluka u oba entiteta. Prava Ostalih moraju, takođe, biti garantirana.

Došlo je vrijeme da političke stranke postignu rješenje ovog pitanja i svoju pažnju posvete društvenim i ekonomskim izazovima sa kojima se zemlja suočava. Sporazum, koji će ne samo dozvoliti korektno održavanje općih izbora u oktobru 2002. godine već služiti i kao dokaz da je BiH zaista spremna za predstojeći prijem u Vijeće Evrope, sada je na dohvat ruke. Upravni odbor poziva stranačke lidere da iskoriste predstojeće sate kao bi iskoristili ovu istorijsku mogućnost i preuzeli odgovornost, kao i pohvale, za iznalaženje kompromisnog rješenja koje će biti na dobrobit sva tri konstitutivna naroda i Ostalih u BiH i koje će voditi uspostavi efikasnijeg političkog sistema širom zemlje.